

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

17 Vtrum fur & quiuis alias malæ fidei possessor, fructus perceptos, & eos
qui percipi poterant, teneatur restituere.

[urn:nbn:de:hbz:466:1-72459](#)

cum rei alienæ venditæ. At fur pretij non tenetur restituere rem emptam, sed satisfacit restituendo premium acceptum: ergo fur rei non tenetur restituere premium rei venditæ, sed satisfacit restituendo rem venditam, vel similem paris bonitatis.

Dices, Cùm premium frumenti decreuit, non censetur frumentum paris bonitatis: ac proinde non satisfaciet ad æqualitatem. Sed hoc est contra communem modum loquendi. Nemo enim dixerit, frumentum esse melius quia carius, aut deterrius quia minus carum. Deinde si non est paris bonitatis quando est minoris pretij; ergo si cùm modius frumenti valebat 5. aureis dedisti mihi mutuum vnum modium, concessio termino vñque ad messem, non satisfaciam reddendo tantumdem in messe, si tunc minoris valet; quod est absurdum. Tertiò, Bonitas aestimationis est tibi nullius pretij, si non statueras vendere, & occasio vendendi iam est elapsa. Nec refert, quod hac ratione homo commodum periceret ex dilatione restitutio-
Fructus
reales &
industria.

nis; quia id per accidens est. Sicut enim accipit commodum quando premium decrecitur, & talis res faciliter haberi potest: ita potest incurtere incommodum, si premium crescat, & res illa difficilior sit obtentu. Addo, semper accipere incommodum spiritale incomparabiliter maius.

Dico Quintò, Si dominus rem erat venditus in optimo statu, vel summa aestimatione, tenetur fur præter rem ipsam, restituere aestimationem illius incrementi, vel premium rei quo dominus eam vendidisset, etiamsi ipse inde commodum non perceperit. In hoc casu vera est sententia Nauarri. Ratio est, quia tunc est verè causa huius damni per suam iniquam detentionem, impediendo ne dominus inde lucrum faceret, quod alioquin facturus erat.

Nec refert, vitrum res casu an culpa furis perierit, deteriorè facta sit; quia mora sua est damna causa. Idem dicendum, si res intrinsecè melior effecta apud furem, deinde facta est deterior, vel periit; quæ si suo tempore redditu fuisset, id incommodi apud dominum non accepisset. quo casu etiam vera est Nauarri sententia; nam totum hoc incrementum erat domini, ac proinde illi restituendum. Si ergo non restituit, est in mora; & consequenter tenetur etiam in casu fortuito.

Dico Sextò, Si incertum sit quo pretio aur in quo statu dominus cum erat venditus, restitutio facienda secundum optimum statum & summam aestimationem, quam interea habuit. Ita passim DD. Ratio est; quia in eo statu vendi poterat, & in dubio melior est conditio innocentis, in eiusque fauorem inclinandum.

Dices, Non constat, an verè damnum illud optimi statu intulerim; ergo non teneor: nemo enim tenetur plus restituere, quam constet absulisse.

Aestimatio-
da incerti-
tudo.

Ob hoc argumentum, verius videtur, in rigore non debere restituiri secundum optimum statum in foro conscientiae; sed posse detrahi aestimationem illius incerti, cur enim tantum tenetur restituere, quando est incertum, quantum dum est certum? illud enim esse incertum, minuit aestimationem damni. Inclinandum autem in fauorem innocentis in foro externo, ubi nocens est puniendus, & quando non suppetit melior ratio constituta æqualitatis.

D V B I T A T I O X V I I .

Vtrum fur & quiuis alius mala fidei pos-
sessor, fructus perceptos, & eos qui
percipi poterant, teneatur restituere.

N otandum est, Eum, qui detinet rem alienam, detinere vel bona fide; (vt si putet esse suam, vel legitimè concessam) & hic dicitur possessor bona fidei, de quo infra agendum. vel mala fide; (vt si fecit vel putet, se non legitimè detinere) hic dicitur possessor mala fidei, qualis est fur, raptor.

Notandum Secundò, Fructus esse duplices; quidam sunt fructus rei, qui nimur ab ipsa proueniunt, quamvis intercedat humana industria; vt sunt fructus agrorum, arborum, ædium, & earum rerum quæ habent vñum locabilem. premium enim locationis est fructus carum, quem mediante vñu sui, qui pretio est aestimabilis, patrunt. Alij sunt fructus industriae, vt quæstus, qui percipitur negotiacione, vt emendo vili, vendendo carè, ratione temporis vel loci. Nudum autem rei premium non censeretur fructus rei, sed succedit in locum rei, tamquam altera res. Item quæstus, qui ex vñu artificiolo alieni instrumenti; vt si alieno penicillo, vel coloribus alienis pingas.

Nunc sit Prima Propositio, Possessor mala fidei tenetur restituere non solum rem alienam, sed etiam fructus ex ea perceptos: nempe fructus rei, non autem nuda industria, est communis sententia DD. Ratio est, quia fructus rei hoc ipso quo producuntur, cedunt in dominium eius qui est dominus rei. §. Is vero. Instit. de rerum divisione: ergo non minus sunt restituendi, quam res ipsa. deducenda tamen sunt expensæ, quas dominus facere debuisset ad illos percipientes: vt si fur agrum coluit alterius; si equum furtivum aluit, quod non solum intellige de impensis necessariis, sed etiam virilibus, quibus res effecta est melior & fructuosior. Item de opera & labore non solum conducitio, sed etiam quem fur se praefit. horum omnium aestimatio detrahitur potest, si dominus tantumdem impendere debuisset. Secùs si ipsemet sine impensis, vel certè minoribus, æquè multum erat praefiturus.

Dices, Si expensæ possunt deduci, id fieri ratione damni, quod fur incurrit, rem alienam curando; atqui dominus non tenetur illud damnum aestimare, sed fur sibi imputet quod fecit: ergo.

Repl. Non præcisè ratione damni furis, expensæ deducuntur; sed quia rem alterius suo sumptu vel labore meliore reddit, quod dominus sine pari sumptu non fecisset.

De impensis in ea quæ solum ad ornamen-
113
tum & voluptatem pertinent, distinguendum est. Si enim dominus illud ornamentum velit retinere, debent deduci; si nolit, non debent. poterit tamen tunc iniquus possessor illud auferre, vt si horologium ædibus affixit. Si nequeat auferri, res arbitrio prudentis tranfigenda. Dixi, fructus rei, non autem nuda industria; quia fructus nuda industria non sunt restituendi: vt si aliena pecunia es negotiatus, non teneris lucrum dare, sed dimittas summan surreptam, compensato-
simul

simil damno emergente, si quod ratione inopia pecunia interuererit; si alienum frumentum vendidisti, sufficit restituere frumentum eiusdem pretij, nisi dominus illud carius interim erat venditurus.

114
Torques locatus.

Ex his sequitur Primò, Eum qui torquem a reum furo surrepprum aliquoties pretio locauit, teneri non solum ad restitutionem torquis, sed etiam pretij locationis, quamvis dominus eum locare non confueuerit, quod est contra Nauarum c. 17.n.25. Ratio est; quia illud lucrum non est fructus industriae, sed premium locationis, seu vñus; qui vñus est in ista fructus rei, ac proinde eius utilitas est domini. Idem dicendum de equis & mulis surreptis & elocatis, quamvis dominus elocare non sit solitus. Nauarri tamen sententia locum habet, quando dominus est vir diues, qui tale premium non putaret velle.

115
Ager sterili excludens.

Sequitur Secundò, Eum, qui agrum sterilem sibi oppignoratum, quem dominus coli non curabat, excoluit, & aliquos inde fructus percepit, teneri ad illorum fructuum restitutionem, contra Sotum lib.6.qu.1.art.2. vt recte docet Nauarri cap.17.n.117. deducenda tamen sumptuum, laboris & industriae estimatio.

116
Fructus percepti diligenter domini.

Dico Secundò, Non solum fructus perceptos, sed etiam non perceptos, quos tamen dominus singulari sua diligentia perceptisset, tenetur sarcire. Ratio est; quia sua detentio iniqua, est causa illius lucri cessantis. Vbi notandum, perinde esse virum illi fructus percepti fuerint ex re, mediante industria domini, (vt ex agro per diligenter culturam) an ex nuda industria, vt ex peritia negotiationis & contractu: tenetur enim malae fidei possessor omne lucrum cessans & damnum emerges, quod dominus ratione iniqua detentio patitur, reponere. nam huius totius censetur causa iniusta.

Petes, Quid si fur rem meliorem fecit, sed postea sua negligentia exiguo fructus percepit, quam si dominus cum illo incremento receperit, longe plus fructuum collegisset, tamen apud ipsum res illud augmentum habitura non fuisset.

117
Si dominus erat perceptus fructus, rem tamen non effectus meliorem.

Resp. Quidam tenet, furem tunc non teneri de excessu illo fructuum, quos dominus perceptisset. ita Couarr.lib.1.variar.c.8.n.4. Ratio est, quia in his non intulit domino damnum: nam si illa res apud dominum manisset, non fuisset melior redditus, ac proinde nec dominus illos fructus percepturus erat. Hæc sententia est probabilis, quia nimirum quadam aquitate. Tamen contrarium videtur verius; quia rei melioratio eo ipso quo est, domini est, & inique à fure detineatur, ex qua detentio lucrum domino cefsat. Confirmatur; quia fur non restituendo illud melioramentum, est in mora; ac proinde tenetur de casu fortuito, & de omni damno, quod ex detentio sequitur; quod alias, si suo tempore restituisset, non erat fecundum. quamvis enim non sit causa damni prima acceptio, est tamen causa damni detentio rei, postquam facta est melior; quod Couarruias non videtur adiutari.

118
Si fur singulariter industria perceptus.

Dico Tertiò, Tenetur etiam restituere fructus rei, quos ipse sua singulari industria percepit, deductis tamen expensis, quamvis dominus eos percepturus non fuisset. Probatur; Omnes fructus rei cedunt in dominium eius, cuius est ipsa res, co-

ipso quo extant, vt patet Institut. de rerum divisione. §. Si Titius, & duobus sequentibus, vbi dicitur, Plantas, que terre coaluerint, & frumenta, quæ sata sunt, solo cedere. ergo si fructus extant, vel iniquus detentor sit factus ex illis locupletior, domino sunt restituendi.

Sed difficultas est, Si neque extant, neque illis fur factus sit locupletior, eo quod consumperit si fur non cum socijs, an sint restituendi, quando dominus est factus eos non fuisset percepturus. Quidam tenet, in hoc euentu non esse restituendos, Primò, Quia fur nec tenetur causa rei acceptæ, cum non extet; neque causa iniquæ acceptiois, quia iniqua acceptio rel aliena non obligat ad restitutionem, nisi quatenus efficaciter intulit damnum; atque hic verè non intulit damnum secundum aestimationem moralem; quia etiam si rei alterius non acceptisset vel detinuisse, dominus non idèo esset locupletior; ponimus enim, rem ei futuram infrigeret, vel certè minus frugiferam. Secundo, Quia quando res apud dominum non erat fructificatura, & industria alterius effectum est vt fructificaret, adscribendum videtur industria, non rei; ergo Ita Couarr. ad reg. Peccatum p. 2. §. 6. num. 4. & Ioannes Medina q. 6. de restit. & Silv. v. Restit. 3. n. 9. in principio Petrus Nauarra l. 4. c. 1. num. 44. Hæc sententia est probabilis; nititur enim quadam aequitate. & iuxta eam posset etiam defendi, quod Nauarri docet de torque & equo fortu eloçato, si à domino eloçari non solent, vt colligunt ex Siluestro.

Contrarium tamen in rigore est verius. Ratio est; quia fructus hoc ipso quo extant, quomodo sunt restituendi, cumque proueniant, (etiam si casu vel sponte) dominio cedunt, vt patet ex Iure citato: ergo statim debent domino restituiri, cum sint in specie debiti. ergo eos consumere, est domino verum damnum inferre; est enim consumere rem ipsius; quia si suo tempore reddita fuisset, apud dominum non perijisset. Item cum debeant restituiri statim, si fur eos tunc non restituit, est in mora; ac proinde etiamsi fortuò pereant, tenebuntur ad restitutionem. Si tamen pereant fortuò, vel etiam culpa leui, priusquam commodè possent restituiri, non tenebuntur; quia non censetur fuisse in mora. etiæ enim rem iniquè detinuit, non tamen fructus.

Hinc patet solutio rationis prioris, contraria sententia; etiæ enim non censetur intulisse damnum iniqua detentio rei; (quia apud dominum fuisset in frugifera) intulit tamen damnum, quia fructus perceptos debito tempore non restituit; qui hoc ipso quo sunt, domini sunt. Secùs est, quando, si res redditia fuisset, apud dominum erat peritura.

Ad secundum respondeo, Non esse fructum nudæ industriae, sed ipsius rei, supposita industria. vnde solum sequitur, premium industria deducendum.

DUBITATIO XVIII.

Utrum is, qui alteri est causa damni, siue impediendo ab aliquo bono, siue alia aliqua ratione, teneatur ad restitutionem.

O Missis opinionibus, Nota. dum est ex Nauarro cap. 17.num. 69.

Duplic.